

INIGO AZKONA



Josu Amezaga

♦ EHUko IKUS-ENTZUNEZKO
KOMUNIKAZIO IRAKASLEA

EITB: gauzak ez dira ondo egin

BARKA NAZALA irakurleak, baina neure ohiko joeraren kontra ezkortasunez ikusten dut EITBren etorkizuna, Zuzendari Orokorra izendatzeko izan diren mugimenduen ostean. Aspalditxotik nabarmena da irrati-telebista publikoak gogoeta sakona, itun zabala eta zuzendaritza sendoa behar dituela. Komunikazioaren parajea gertatzen ari diren eraldaketa asmagaitzek; azken urteetan izandako desatxikimendu sozialak, bereziki euskarazko katean (inoiz baino euskaldun gehiago dagoenean); edo egoera ekonomikoak ezarritako diru sarreraren gainbeherak (%28) horretara eraman beharko gintuzkeela pentsa liteke. Alabaina, ez dirudi behar den tokian asmo hori oraindik bereganatu denik. Honaino ekarri gaituen bide berean jarraitzen dugu; baina baldintzak lehen baino dezente okerragoak dira.

Zuzendari Orokorra izendatzeko gehiengo absolutua lortzeko prozesutik ondorio bi baino ezin dira atera: edo hitzarmena lortu duten alderdiak bat datoz EITBren ereduari; edo ereduaren inguruko gogoetarik gabe egin da hitzarmena: bata zein bestea porrot eginiko eredu berrestea lirateke. Gauzak beste modu batean egin zitezkeen, itun zabalagoak lortuz. Komunikazioaren alorrean dagoen lehia eta aldaketa ikaragarriaren aurrean, EITBk beste medio askok eman ezin dituen eskaini behar du atxikimendua lortzeko: askoren arteko adostasunetik sortutako proiektu

izatea da, asmo horretan, baliorik handiena. EITB guztiona dela erakusten duen itunaren gainean eraikitako medioa, alegia, eta ez batzuen tresna politikoa.

Zuzendaritza Orokorren izendapenaren inguruan ordea, erabat kontrakoa erakutsi da: akordio mugatua, gehiegizko presa, inprobisazioa, interes politikoa, eta are komunikabide publiko batean sekula onartu ezin daitekeen zerbaitekin: kazetari baten betoa, lehendakariari eginiko elkarriketa kritiko batengatik. Honek ez dio zuzendaritza berriari indarrik emango, kontrakoa baizik, indarra eta babes behar dituen une kritiko batean. Serioski hausnartu beharra dugu EITBz, tresna garrantzitsuegia da herri honentzat arduragabekeriaz edo alde bakarrekiko interesez jokatzeko.

Sinetsita nago lehen oker zegoena gehiago okertu dela

Honaino iritsita nire ezkontasunari ñabardurak jarri beharrean nago, joera naturalari bide emanez. Sinetsita nago lehen oker zegoena gehiago okertu dela azken asteetako gertaerekin, eta hori argudiatzen saiatu naiz. Horrek are esfortzu handiagoa eskatuko digu EITBk euskal gizarteari egiten dion baino askoz ekarpen handiagoa egin diezaiokeela uste dugunoi. ■



BERTSO BERRIAK

Corrugadosi jarriak

Jokin Uranga



Doinua: Mutil koxkor bat.

Urte askoan gurea izan da abundantzien bailara zenbat familia joan ote da orain langabeziara? Mahaian dago eztabaidagai zer ginen eta zer gara alfer alferrik izango dira hemen ERE eta Hara! Mentalitate aldaketa bat ematen ez baldin bada!

Gallardo jaunak esan zuenez hemen nahi zuen arriska baina bidean galdu du nonbait zeukan duintasun pixhiki niki laranjak jada bihurtu dira langile gorritz ta... nahiz ta kexatzen garenoi deitu ohi diguten terroristak hemen hiltzaile bakarra dago: Sistema kapitalista!

Eta sistemak beti bezala bere bidea hartu du batzuk lepoan duten korbatan itotzea nahi gaitu gu. Saia gaitezen antolaketan eskuz esku buruz buru eredu berri justuen bila bizitza duinak helburu gogatik inork ez du egingo geuk egiten ez badugu! ■

